

Mohd Amirul Kasyful Nur bin Zulkifli

From: UUM CORPORATE COMM.
Sent: 06 Julai 2021 11:42
To: UUM - All Staff; UUM - All Students
Subject: SQS Tekad Seiring Realisasikan Agenda GAGAH UUM 2021-2025



UUM Corporate Comm.
Universiti Utara Malaysia

6 JULAI 2021 / 26 ZULKAEDAH 1442H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Zulfadli Abdul Latif
Gambar oleh: Pusat Pengajian Sains Kuantitatif (SQS)

SQS TEKAD SEIRING REALISASIKAN AGENDA GAGAH UUM 2021-2025



UUM ONLINE: Timbalan Naib Canselor (Penyelidikan dan Inovasi), Prof. Dr. Haim Hilman Abdullah telah mengadakan pertemuan bersama warga kerja Pusat Pengajian Sains Kuantitatif (SQS) yang terdiri ahli akademik dan staf pentadbiran secara maya menerusi Webex, baru-baru ini.

Pada pertemuan itu, Prof. Dr. Haim Hilman mengucapkan tahniah di atas segala pencapaian yang diperoleh SQS dan berharap pusat pengajian ini akan terus berusaha untuk menjadi sebuah pusat pengajian yang dihormati dan menjadi rujukan dalam semua aspek meliputi kualiti program akademik, penyelidikan, penerbitan dan lain-lain aspek berkaitan.

Dalam sesi perjumpaan tersebut, beliau turut menerangkan tentang Gagasan Akademia dan Admin Holistik (GAGAH) UUM 2021-2025 yang merupakan jentera yang akan memacu Pelan Strategik UUM khususnya untuk Teras 2 – Kecemerlangan Penyelidikan dan Teras 3 – Kelestarian Kerjasama Industri dan Komuniti.

Menurutnya, terdapat beberapa inisiatif yang terkandung dalam GAGAH 2021-2025 seperti 'Research, Publication, & Innovation Drive (RAPID) Initiative' yang menjadi tulang belakang kepada usaha merealisasikan KPI dan PI Teras 2. Secara khususnya, inisiatif ini terbahagi kepada empat bahagian iaitu berkaitan penyelidikan (RAPID 1), penerbitan (RAPID 2), inovasi @ harta intelek (RAPID 3) dan perundingan (RAPID 4).

Beliau juga menekankan tentang perlunya semua warga SQS untuk berganding bahu dalam merealisasikan visi, misi dan objektif SQS khususnya dan UUM amnya.

Katanya, untuk menjadi sebuah pusat pengajian yang cemerlang, SQS perlu meningkatkan lagi jumlah penyelidikan, penerbitan dan kerjasama dengan industri dan komuniti

Sementara itu, Dekan SQS, Prof. Madya Dr. Mohd Kamal Mohd Nawawi berkata, SQS akan terus berusaha secara konsisten dalam memastikan agenda menjadikan SQS sebagai sebuah pusat pengajian terkemuka dalam bidang sains kuantitatif di Malaysia dan serantau dapat direalisasikan suatu hari nanti.





Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.